



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Kirchen Postilla || das ist/|| Auslegung der Euangelien an
|| den fürnemesten Festen der Hei=||ligen/ von Ostern bis
auffs || Aduent.||**

Luther, Martin

Wittemberg

VD16 L 5618

II. Vom Glauben vnd der liebe.

urn:nbn:de:hbz:466:1-37013

Gleich wie nu diese sprüche dein gewis-
sen nicht irrig machen können/ vñ dahin
bringē/ das du meinst/ Christus sey mit
Gott/ also mag es dieser spruch in dem
heutigen Euangelio auch nicht thun.

Christus
mensch vnd
Gott.

Christus re-
det zu zeitē
als Gott/ zu
zeiten als
Mensch.

Johan. 10.

Darumb müßet jr hie das wol merck-
en/ Christus wird vns auff zweierley wei-
se furgehalten in der Schrifft/ Mensch
vnd Gott. Nu/ die Schrifft wenn sie an-
zeigt wie er geboren sey/ gezogen habe/
der mutter in der schoß ligt/ isset vnd trin-
cket/ wandert/ wird müde/ vnd was men-
schen werck mehr sind/ da zeigt sie an/
das er ein mensch sey. An andern orten
zeigt sie an/ das er Gott sey/ Als sonder-
lich in Johanne/ da er spricht/ Darumb
liebet mich mein Vater/ das ich mein le-
ben lasse/ auff das ichs wider neme/ Nie-
mand nimpt es von mir/ sondern ich sel-
ber lasse es von mir selber/ ich habß ma-
cht zu lassen/ vnd habß macht wider zu
nemen. Da redet er gewaltiglich als
Gott/ Denn die Schrifft kan nicht an ei-
nem ort zu gleich anzeigen die menscheit
Christi vnd auch die Gottheit/ darumb
mus sie an einem ort von der menscheit/
an dem andern/ von der Gottheit reden.
Ist der spruch hie tuncel/ so mus der
viel tuncel sein im Luca/ da der Euan-
gelist sagt/ Maria gebar jrē ersten Son-
vnd dergleichen sprüche viel hin vnd wi-
der/ die nach der Papisten verstand vnd
kopff viel tunceler anzusehen sind/ denn
eben dieser. Darumb an etlichen orten da
die Schrifft sagt/ Christus sey geboren/
hab gelitten/ sey gecreutzigt/ vñ was der
menschen werck vnd handel mehr sind/
da ist niemand so thum/ so toll vnd tö-
richt/ er weis das in die Schrifft alda
für ein menschen angezeigt/ Denn Gott
kan nicht leiden noch sterben. Item/ wenn
er die Gottheit anzeigt/ vnd thut wun-
derzeichen/ da ist niemand so grob/ er
weis das er Gott sey. Also auch hie redet
er wie ein mensch/ da er sagt/ Es ist nicht
meiner macht euch solches zu geben.

Papst ma-
chet die
schrifft tun-
ckel.

Das aber nu die schrifft tuncel ist/
das sollen wir dem Papst dancken/ der
vns nicht darinne hat lassen lesen/ Wenn
wir aber der Schrifft weren angehan-
gen/ so weren wir des wol gewonet/ das
sie an einem ort von jr redet wie von ei-
nem mensche/ an andern wie von Gott/
so were sie vns wol leicht/ hell vnd klar.
Widerumb aber/ so sprechet jr/ das der
Vater sprüche tuncel vnd finster sind/

vnd man kompt viel leichter durch die
Biblien/ denn durch den Augustinum/
oder durch andere Lerer vnd schreiber/
Noch wie dem allen/ haben sie gesagt/
der Vater sprüche erlern die Biblien/
darumb haben sie vns furge schlagen des
Bapsts Decretal/ das Schlambuch vnd
des teufels trug/ das sol die schrifft aus-
legen/ in welchem doch kein spruch mit
dem andern vber ein stimmet.

Decretalen
schlambuch
vnd des teu-
fels trug.

Also haben sie vns vmbgeführt mit
verworren vnd widerspenigen sprüche-
en vnd leren/ damit haben sie vns die
Schrifft zugethan/ vnd iren geiser/ gifte
vnd tuncelheit eingebe/ an stat der heil-
samen lere/ das habē wir fressen müssen/
Spey aus wer da speien kan. Darumb/
wenn sie sagen/ die Vater/ Augustinus/
Ambrosius/ Hieronymus vnd andere/
haben die Schrifft erleucht/ da liegen
sie an/ denn sie haben nicht erleucht/ son-
dern die Schrifft mit irem eigen licht
klar gemacht/ vñ ein spruch zum andern
gehalten/ das einer den andern sein klar
vñ hell gemacht hat. Also ist die schrifft
selbs ein eigen licht. Das ist denn sein/
wenn sich die schrifft selbs auslegt. Dar-
umb glaubet nicht des Bapsts lügen/ vñ
haltet frey für finster/ was nicht bewe-
ret wird mit klare sprüchen der Biblien.

Schritte ist
nicht fin-
ster.

Schritte ist
ein eigen
licht.

Also haben wir zu vor den irthumb
aus dem wege müssen thun/ denn er fast
tieff eingerissen ist/ das die Schrifft tun-
ckel sey/ vnd müsse durch menschen lere
erleucht werden/ welchs ein trefflicher
irthumb ist/ vnd eine Gotteslesterung/
vnd heist eigentlich den heiligen Geist
zur Schule führen/ oder in erst leren redē.
Das vns aber die Schrifft tuncel dā-
cket/ macht das wir nicht achtung ha-
ben/ wenn sie von Christus gottheit oder
menscheit redet/ vnd das wir sie auch
nach vnserm kopff wöllen anlegen/ das
wil sich in keinem wege reimen. Nu das
Euangelion hie redet von Christo als
von einem menschen/ das lasse vns wol
mercken/ so würd es vns in keine irthumb
führen/ das wir sich die Papisten nerrisch
fürchten. Wir wölle nu zu den heubstü-
cken dieses Euangelij greiffen/ vnd sie
ein wenig handeln.

Die andere lere.
Vom Glauben vnd der
liebe.

Diese

Diese zwey stück habe jr offte gehört
 in allen Euangelijs gehandelt/
 nemlich/ glaub vnd liebe/die sind
 hie auch. Tu habt jr davon also gehört/
 das man mit dem Glauben gegen Gott
 handeln sol/wit der liebe aber gegen vn-
 serm nehesten/ Denen können wir zweier
 ley weise dienen/ Erstlich mit vnsern gü-
 tern leiblichen vnd eusserlichen / das wir
 jnen geben / helfen/rathen/ vnd wie sie
 vnser gebrauchten können/ das wir jnen
 bereit seien / Vnd das ist das geringste.
 Darnach sollen jnen auch dienen vnser
 Geistliche güter / nemlich vnser frömi-
 keit vnd gerechtigkeit/ so das ich mich
 mit meiner gerechtigkeit herunter gebe/
 vnd lasse die einem sündler dienen / ja ne-
 me mich derselbigen seiner sünde an/ als
 weren sie mein eigen/ decke die zu/ helffe
 jm davon/ vñ bitte für jr/ straffe jm/ auff
 das er der sünden los werde/ vnd gerech-
 tigkeit oberkomme wie ich. Allda hab ich
 gesagt/ das eine Jungfraw einer Zuren
 dienen müsse/ ein frau weib einer Ehe-
 brecherin/ ein gerechter einem sündler vñ
 vngerechten. Vnd das ist fast hoch/
 menschliche vernunfft kan es in keinem
 wege begreiffen/ ein frau weib einer ver-
 nunfft nicht lassen/ wenn sie jergend mit
 einer gnaden von Gott begabet ist/ sie
 mus die nasen vber ein andern rümpffen
 der solche gnad vñ gabe nicht hat/ Wie
 wir sehen/ das die sündler für den heiligs-
 gen Geistlichen leuten so vbel stincken.
 Aber die liebe keret das spiel vmb / vnd
 nimpt sich des nehesten sünde vnd ge-
 brechen an/ als sein selbs/ hilffe jm/ vnd
 reth jm/ vnd verachtet die sündler nicht
 so balde.

Das sehen wir sein in diesem Euanges-
 lio / Da tritt hinzu das frome weib Sa-
 lome/die mutter Jacobi vnd Johannis/
 vnd treibt ein grob affenspiel / vnd lesse
 sich die zween söne vberreden / die also
 meineten/ Ey/ sie ist seine Mame oder ge-
 freunde / vnd wir sind seine vettern / er
 wird vns gewislich erhören. Ja bald
 thut ers. Er feret zu vnd straffe sie vmb
 solche ire torheit / würffte sie aber nicht
 weg/ stößte sie auch nicht von sich/ doch
 vngestrafte lest er sie nicht. Darnach ma-
 chen sich die andern zehen auff seiner sei-
 ten auch vnlustig / vnd werden vber dies
 se zween vnwillig / wie nach diesem Eu-
 angelio daselbs bald folget. Denen beges-
 gnet der Herr auch/ straffe sie / vnd ges-
 het doch sein lieblich mit jnen vmb / vnd

verwürffte sie nicht gar dahin / Gleich
 wie eine mutter thut/ wenn sich das kind
 vnrein machet / so weschet sie die wind-
 len wider/ erzeiget jr mütterlich hertz/ vñ
 würffte das kind nicht hinweg/ Also erzei-
 get sich auch Christus hie gegen den Jün-
 gern/ da sie doch grob strauelten/ Denn
 jr sieh hie ein solch grob menschlich ding
 in den Aposteln/ das nicht gröber künde
 sein. Diese wöllen hoffertig vnd hoch
 sein/ die andern sind zornig / vnlustig vñ
 vnwillig.

Tu hat sie Christus on zweifel also
 lassen anlaffen/ vnd so grob straueln
 das er in jnen würffte das werck der lie-
 be/ vns zu einem Exempel/ das wir spü-
 ren vñ erkennen möchten/ sein vetterlich
 vnd mütterlich hertz vnd liebe / die er
 zu vns trege/ vnd das er vns auffrichte/
 das wir an jm hangen vnd gleben/ vnd
 wissen was wir von jm haben vñ gewar-
 ten sollen. Denn das ist die natur des
 Glaubens / das er sich vernuffet auff
 Gottes gnaden/ vnd schepffet einen gu-
 ten wahn vnd zurersicht gegen jm / vnd
 dencket/ on zweifel / Gott wird in anse-
 hen vnd nicht verlassen/ denn der rechte
 Glaube zweifelt nicht an gutem gnedi-
 gen willen Gottes/ Sibe/ ein solcher gu-
 ter wahn oder freie vermutung zu Gott/
 oder wie du es nennen wilt / das heisse
 ein Christlicher glaub/ vnd gut gewissen
 in der Schrift. Der Glaub fordert nicht
 kundschafft / wissenheit oder sicherheit/
 sondern frey ergeben / vñ frölich wagen
 auff Gottes vnempfundene/ vñuersuchs-
 te vñ vnerkante güte. So gar ergibe/ ers-
 wige vnd erschwingt er sich/ in die hoch
 berümpfte vnd ausgeruffete güte / die
 freundliche zurersicht gegen Gott/ das
 er so mütterlich mit vns vmbgehet / denn
 er helt vns / das wir nicht verterben.
 Sonst / wenn man Christum ansehen
 wil / wie einen gestrengen Richter / so
 kan man nicht bestehen / Wenn man in
 aber fasset / wie er hie wird beschrieben/
 als einen gnedigen Zeiland / wie er so
 lieblich vnd freundlich mit den Jüngern
 vmbgehet / sie straffet / vnd doch nicht
 verwürffte/ das erheld / vnd tröstet in aller
 ley anfechtung. Vnd das ist das beste
 vnd fürnemeste stück / das wir an Chris-
 to haben.

Weter mus man Christum fassen
 auch zu einem Exempel / das wir vnser Exem-
 vns auch zu vnserm nehesten also hal-
 pel.
 g iij ten

Glaub vnd liebe.

Liebe die net dem ne/ besten mit leiblichen vnd geistli- chen gütern

Es ist ein vñ wögen/ an mōden/ außgang

Sünder nit/ ch/ verach/ ten.

Christus verwürffte die strau- elden nicht.

Der Apostel sünde.

Exempel der Apostel

Glaubens art.

Was ein Christlicher Glaub sey.

Christus güte.

Christus auch zu vnser Exem

ten/wie sich Christus zu uns helt/ Et het te hie die Jünger wol hinweg können werffen / da sie so grob waren/ vnd hette wol können sage/ Ey ich bin from/ jr seid buben/hebt euch von mir/ Aber er hat sich der gewalt enthalten / vnd seines rechts geussert / nimpt sie fein freundlich auff/ vnd hat mit jnen gedult ob sie gleich etwas grobes stracheln/ hoffet der besserung / wie denn die liebe pfleget. Also sollen wir uns auch stellen zu vnserm nehesten / vnd gegen vnser feinde freundlich vnd gelimpflich halte/ denn es kan keiner nicht bald aus der welt lauffen / er wird hente einen / morgen den andern fallen sehen / da erzeige er sich freundlich / vnd decke das zu mit seiner gerechtigkeit / wie ich newlich gesage habe.

Die dritte Cere/

Von heimlichen vnd öffentlichen sünden / vnd wie damit zu handeln.

Regiment zweierley.

Wie sol man sich aber nu halten / Wenn wir vnser nehesten stracheln vnd sündigen sehen? Ir habt vormals offte gehört / das / gleich wie zweierley Regiment sind / geistlich vnd weltlich / also sind auch zweierley sünde / als heimlich vñ öffentlich. Das geistlich Regiment regiert mit dem wort vñ mit der Schrift / wie hie Christus thut / Die sich aber mit dem Wort nicht siren wölen lassen / da dienet den hin das weltliche schwerd / welchs drumb eingesetzt vñ von Gott verordnet ist / das man damit den bösen wehre / auff das / so man gleich dem hertzen nicht wehren kan / das man doch allein die hende enthalte.

Wie mit heimlichen sünden zu handeln.

Von den heimlichen sünden aber solt ir mercken / So du siehest eine sünde die da heimlich geschihet / so schweige / vnd vnd decke rock vnd mantel drauff / brichstu es aber auff / so fellestu Gott in sein gericht / denn du offenbarest das / das Gott allein weis. Aber das soltu thun / Wenn du es allein weisse das dein nehest in dieser oder jener sünde ligt / so soltu in weiblich straffen vnd schelten / aber nicht verwerffen noch verachten. Sünde sol man nicht gestatten / vnd dennoch

barmhertzigkeit vben / denn wir sind alle aus dem teig gebacken / da huren vnd buben aus sind. Denn wenn wir stehen / das ist allein gnade / sonst stehet vnser frömkheit auff einem strohalm / vnd felt bald dahin. Darumb was geschihet das nicht öffentlich ist / das decke / vnd nicht als etliche thun / die da wöllen erzeigen wie from sie sind / wenn sie nur wol die nasen rümpffen können vber die sündler / vnd der selbigen sünde vmbher spielen eragen von einem hause zu dem andern / wie die kinder mit den docken vmbher spielen gehen / welchs laster jzt fast gemein ist / beide vnter den mannen vnd frauen.

Das ist nu gesagt von den heimlichen sünden. Wenn es aber öffentlich ist / vnd du hast es nicht aufgebrochen / so erzeige auch da die liebe / warne vñ straffe / vnd bring wider zu recht / vnd hilf womit du kanst / das dein nehest der sünde vnd der schande los werde. So er sich aber nicht bessern wolte / da gehört nicht mehr hinfurder zu schweigen noch zu schonen / da mus man einer andern weise gebrauchen / darnach das laster ist / darnach mus man es dempffen / es möcht also sein / das mans auch mit dem schwerd auswurtzeln müste. So er sich aber straffen leste / so sey gnedig vnd freundlich / wie hie Christus den Aposteln thut / Gott wil barmhertzigkeit haben / aber die sünde zu stercken / wil er auch widerumb in keinen wege haben. Darumb / erslich in heimlichen sünden / da decke zu / vnd handele also / wie Gott zwischen jm vnd dir allein handelt. So es aber öffentlich ist / decke vnd hilf wider auff / ein mal oder zwey / Wo aber keine besserung da ist / da las mit dem schwerd wehren / wem es befohlen ist / du aber bitte fur jm / das doch sein geist errettet werde / ob du je dem leibe nicht helfen kanst. Das sey kürzlich von diesem Euangelio / wöllen es jzt dabey bleiben lassen / vnd Gottes gnad anruffen / das wir ein rechten glauben gegen jm / vñ eine ware liebe gegen vnser nehesten erlangen.

Am ta